

**ANG****Bayan**

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Edisyong Hiligaynon

Tuig XXXV No. 3

Pebrero 7, 2004

www.philippinerevolution.org

Editorial

Militarisasyon sa Mindoro, militante nga ginbatuan

Isa ka mabaskog nga operasyon militar ang ginalunsar subong sang Armed Forces of the Philippines sa Paluan, isa ka gamay nga banwa sa Occidental Mindoro. Sa pihak sang nagapalapit nga pagbukas liwat sang pormal nga sugilanon pangkalinungan, ginapaluntad subong sang rehimeng Arroyo kag sang AFP ang layi militar sa nasambit nga lugar.

Mataas nga militansya ang ginpakita sang pumuluyo sa atubang sang mabaskog nga terorismo sang AFP sa Occidental Mindoro. Bug-os kaisog nila ginpanindugan ang ila mga tawhanon nga kinamatarung, ginpamatukan ang pagpang-ipit sang AFP kag ginhimo ang tanan nga paagi agud ibuyagyag ang nagakatabo nga kalakasan militar didto.

Sa atubang sang mga pagpamahog, pagpugong kag pamasista militar, hugot ang pagpursiger sang KARAPATAN-Southern Tagalog agud mabuligan ang tagabaryo; kag maimbestigahan, mabuyagyag kag mapahagan-hagan ang mga pagpang-abuso kag pagpamintas sa ila sang mga militar.

Hugot nga nakig-angtanay kag mainit nga nag-abi-abi ang mga Mangyan didto sa KARAPATAN-Southern Tagalog agud ibuyagyag ang kamatuoran bahin sa mga pagpang-abuso militar kag makipagkoordinar para makapalagyo halin sa pagkahunong sa ila impyerno nga ginhimo sang mga militar sa ila mga komunidad.

Pasaylu-saylo ang mga Mangyan sa nagkalain-lain nga ginabakwitan bangud wala sila ginahalinan sang mga militar. Ginbaktas nila ang mas mabudlay, mas mahaba kag mas marikot nga mga dalan bangud sa pagpamahog kag pag-abang sang mga militar. Pag-abot sa poblasyon sang Paluan, sa bulig sang KARA-



PATAN-ST nagsilong sila sa simbahan Katoliko. Pero wala gihapon sila gin-untatan kag pilit gihapon nga nagasulod ang militar agud kuhaon ang mga bakwit agud interogahon, pahugon kag gamiton nga giya sa mga operasyong militar sang AFP.

Pero malig-on sila nga nagbato kag nagbalibad. Sa kapaslawan nga tamayon ang mga bakwit kag sobra nga kahuy-anan, nagpagguwa ang militar sang tiko nga istorya sa midya nga "ginadetenang sang mga komunista ang mga Mangyan."

Salaming lamang ang Paluan sang mabaskog nga brutalidad kag pagpaniplang nga kabahin sang kontra-rebolusyonaryong gera ng

***Mga tampok
sa isyu nga ini...***

Mga panamyaw sa ika-35 anibersaryo sg Partido
PAHINA 3

Internet: Bag-ong patag sg propaganda
PAHINA 6

Bush, wala sg makit-an WMD sa Iraq
PAHINA 8

ginalunsar sang rehimeng Arroyo sa bilog nga kapuluan. Ugaling labaw pa diri, salaming man ang Paluan sang pagbato. Indi magkalaamo ang pasistang militar sa kalig-on sang paninindugan kag determinasyon nga makigbato ang pumuluyo didto. Ini ang kalig-on kag desisyon nga ginpakita man sa iban nga bahin sang pungsod sang sin-o man nga pumuluyo nga pigos kag ginahimuslan nga namuklat sa kamatuoran kag subong nagapanindugan. Matingkad man nga ginalaragway sini ang malala nga pagka-inutil sang rehimen kag bug-os nga nagaharing sistema nga tapnaon ang pumuluyo kag rebolusyonaryong kahublagan.

Agud batuan ang militarisasyon sa isla, naglunsar ang Bag-ong Hangaway sang Banwa sang taktikal nga opensiba sa 19th Special Forces Coy sa Bongabong, Oriental Mindoro sadtong Enero 25. Nanawagan ang Partido sa BHB sa nagkalain-lain nga bahin sang pungsod nga pasingkion ang mga taktikal nga opensiba batuk sa mga armadong pwersa sang

gubyerno agud mahingalitan ang sobra nga konsentrasyon sang mga pasista nga pwersa sa ila ka lugar pareho sang Mindoro kag pabayaron sang mahal ang AFP sa mabaskog nga pagpang-abuso sini sa tawhanon nga kinamatarung.

Samtang, nagapanawagan ang Partido sa gubyernong Arroyo nga gilayon untaton ang mabaskog nga militarisasyon kag pahuwayan na sang AFP ang pumuluyo sa Paluan kag sa mga banwa sang Abra de Ilog kag Mamburao. Makabulig ini sang daku sa liwat nga pagbukas sang pormal nga sugilanon pangkalinungan. Nagapanawagan man ang Partido sa gubyernong Arroyo nga makigbuligay sa National Democratic Front agud padasigon ang pagtukod sang Joint Monitoring Committee para magdumala sa implementasyon sang Comprehensive Agreement on Respect for Human Rights and International Humanitarian Law (CARHRIHL), kag pamatian kag usisaon ang mga reklamo bahin sa paglapas sa tawhanon nga

AB

Nagasingki nga militarisasyon kag mga paglapas sa tawhanon nga kinamatarung



Kabahin sang operasyon sang AFP agud lagson ang mga katapu sang BHB ang pagtambak sang daku nga numero sang mga pasistang tropa kag mabaskog nga kagamitan militar sa Paluan

an kag lindero sini sang mga banwa sang Abra de Ilog kag Mamburao. Ginapatihan nila nga nagakampo sa lugar nga ini ang daku nga numero sang mga tropa sang BHB pero wala sila sang naabtan diri. Bangud sa ila kapaslawan nga abtan ang mga Pulang hangaway, gintum-ukan sang mga pasistang tropa sang ila desperasyon kag kalakasan ang mga tumanduk nga Mangyan nga naga-istar sa lugar.

Ginareport nga masobra 2,000 tropang militar halin sa Philippine Army, Navy kag Air Force ang naglusob sa lugar. Lima ka *helicopter gunship*, tatlo ka *spy plane* (eroplano pang-espiya), lima ka *howitzer* kag duha ka tangke ang ginpwesto diri kag duha ka barko sang Philippine navy ang nagapatrulya subong sa kaiping nga baybayon. Nagpamahog si Maj. Jose Broso, Public Information Officer sang AFP Southern Luzon Unified Command, nga indi nila pag-untatan ang Mindoro tubtub indi ini "lubos nga mahilway halin sa kontrol sang mga komunistang terorista." Wala pili ang operasyon sa paglapas sa tawhanon nga kinamatarung. Pinakaapektado sini ang mga residente sang mga sityo sang Aglimasan kag Talahib sa Barangay Harrison, Paluan kon sa diin una nga naglunsar sang pasista nga teror ang AFP. Mahaba ang listahan sang mga wala hawid nga pagpanunog kag pagpanamad sang kabalayan, pagpangawat sang mga kasangkapan, pagpamaryl, harasment, pag-



Tuig XXXV No. 3 Pebrero 7, 2004

Ang Ang Bayan ginabantala sa lengwahe nga Pilipino, Bisaya, Iloko, Hiligaynon, Waray kag Ingles.

Mahimo ini i-download halin sa Philippine Revolution Web Central nga makit-an sa:

www.philippinerevolution.org

Nagabaton ang Ang Bayan sang mga kontribusyon sa porma sang mga artikulo kag balita. Ginabuyok man ang mga bumalasa nga magpaabot sang mga saway kag rekomendasyon sa ikauswag sang aton pahayagan.

Malab-ot kami paagi sa e-mail sa: angbayan@yahoo.com

Kaundan

Editoryal	1
Militarisasyon sa Mindoro	2
Panamyaw sa ika-35 anibersaryo	3
Madinalag-on nga TO	4
Lapnagon nga disgusto sa AFP	5
Internet: Patag sang propaganda	6
Wala sang makit-an WMD sa Iraq	8
Balita	9

Ang Ang Bayan ginabantala duha ka beses kada bulan sang Komite Sentral sang Partido Komunista sang Pilipinas

pangbakol kag pagpanakit.

Indi magnubo sa pito ka sibil-yan ang ginkidnap sang mga elemento sang 16th IB. Tatlo pa sa ila ang wala makit-an tubtub subong. Ginpahog, ginpaandaman, ginpakahuy-an kag gintortur sang mga suldado ang mga tumanduk nga Mangyan. Ginbas-tos ang mga kababainhan. Nagpalagyo ang mga tumanduk nga Mangyan agud makalikaw sa pagpang-ipit kag pagpang-abuso sang mga militar. Pero ginsugsog gihapon sila sang mga militar tubtub sa mga ginbakwitan nila sa sentrong baryo kag kaingod-baryo kag padayon sila nga ginapipit kag ginapaandaman.

Gindumilian sila nga magpalayo pa kag gin-abangan sang mga militar ang mga dalan nila. Upod ang 500 pa nga residente halin sa mga kaingod-baryo, gimbaktas sang mga taga-Barangay Harrison ang nagkalain-lain nga mahaba kag tago nga dalan agud makapalagyo padulong sa sentro sang Paluan.

Pila ka beses nga gindumilian sang militar ang pagsulod sa Occidental Mindoro sang mga organisasyon nga nagapangapin sa tawhanon nga kinamatarung. Madinalag-on lamang nga makasulod ang mga grupo bunga sang kaisog kag pagpursiger sang ila mga myembro. Pero bisan ang mga ini indi libre sa pagpang-abuso sang AFP. Sadtong Enero 22, gin-abangan sang mga lalaki nga nakabonet kag nakapatig ang siyam-katawo nga tim sang KARAPATAN-Southern Tagalog, duha ka kilometro halin sa tsekpoynt sang 16th IB. Ginkumpiska ang ila mga kagamitan kag mga ginkaptan nga dokumentasyon sang paglapas sa tawhanon nga kinamatarung sa Paluan kag mga kaingod-banwa. Ginkulata sang armalayt ang duha ka myembro nga lalaki.

Mga panamyaw sa ika-35 anibersaryo sang Partido Komunista sang Pilipinas

Ginapaabot sang nagkalain-lain nga partido komunista halin sa nagkalain-lain nga bahin sang kalibutan ang ila mainit nga pagtamyaw sa Partido Komunista sang Pilipinas sa okasyon sang ika-35 anibersaryo sini sadtong Disyembre 26, 2003. Magkalain-lain man ang ginamit nila nga lengwahe, ginapaabot sang tanan nga mensahe nga ini ang ila proletaryo nga rebolusyonaryong paghiliusa sa PKP kag nagsaludo sa madinalag-on nga pagpamuno sini sa rebolusyonaryong paghimakas sang pumuluyong Pilipino.

Ang mga nagpaabot sang mensahe sa PKP kabahin sa malapad nga pangkalibutanon nga lambat sang mga kauturan sa sahi kag kaupod sa paghimakas sang mga komunista kag pumuluyo nga Pilipino. Sila nagaisa, nagasuporta kag madid-id nga nagaobserbar sa mga pagsulong kag kadalag-an sang pungsodnon-demokratikong rebolusyonaryong kahublagan nga may sosyalistang perpsektiba sa Pilipinas.


Naghalin man sa mga pungsod nga kapitalista ukon mga pungsod nga malakolonyal kag malapyudal, ang mga partido kag organisasyon nga ini lunsay nagabaktas sa rebolusyonaryong dalan agud lutuson ang imperyalismo kag reaksyon, hilwayon ang proletaryado kag pumuluyo kag ang-

kunon ang kahilwayan, demokrasya kag sosyalismo sa tagsa nila ka pungsod kag sa kalibutan.

Sa ila mga mensahe, ginapaabot nila ang pagkilala kag paghatag igtalupangud sa rebolusyonaryong kahublagan sa Pilipinas nga ginapamunuan sang Partido. Ini nagaserbi sa ila nga inspirasyon kag iwag sa rebolusyonaryong paghimakas sa tagsa nila ka pungsod. Ginakilala nila ang kadalag-an sang Ikaduha nga Dungganon nga Kahublagan Panadlong sang Partido Komunista sang Pilipinas kag ang mga ginbunga sini nga pagsulong sa pagtukod sang Partido kag sa rebolusyonaryong paghulag.

Ginadayaw man nila ang

*Sundan sa "Mga panamyaw...",
pahina 4*





pagpursiger kag pagpangibabaw sang Partido kag rebolusyonaryong hublag sa Pilipinas sa atubang sang mabaskog nga pagpresyur nga ginahimo sang imperyalismo kag reaksyon sa ngalan sang anti-terorismo.

Ang mga inagihan kag pagsulong sang rebolusyonaryong kahublagan ila ginapaabot sa pumuluyo sang ginahamtangan kag ginahublagan nila nga mga pungsod. Sa pagpakig-angot sa PKP, ginapaambit man nila ang ila mga inagihan sa nagkalain-lain nga patag sang paghimakas agud magserbi man nga inspirasyon sa pumuluyong Pilipino. Pareho sa PKP, ginatinguha nila nga pamunuan ang proletaryado kag pumuluyo sa taga nila ka pungsod sa dalan sang makasahi nga banggiangay sa paagi sang nagkalain-lain nga porma kag pamaagi sang matutom nga paghimakas.

Malapad ang pagpakigrelasyon sang Partido Komunista sang Pilipinas sa mga kapareho nga komunista kag rebolusyonaryong partido kag organisasyon sa nagkalain-lain nga bahin sang kalibutan. Ginapakita sini sa tanan nga bahin sang kalibutan nagabangon ang pigos kag ginahimuslan nga pumuluyo sa gapos sang kag reaksyon, kag nagahimakas para sa kahilwayan, demokrasya kag sosyalismo padulong sa komunismo.

Lunsay nagakilala ang mga ini nga ang kalibutan yara sa bisperas subong sang liwat nga pagsulog sang kahublagan anti-imperyalista kag sosyalista sa pagpamuno sang mga partido komunista. AB

Sa nagkalain-lain nga bahin sang pungsod...

Masbate. Gin-ambusan sang mga Pulang hangaway ang mga tropa sang Philippine Air Force sa Barangay Cabrera, Dimasalang, Masbate sadtong Pebrero 3. Isa ka suldado ang napatay kag 12 ang pilason.

Cagayan. Madinalag-on nga gin-ambusan sang isa ka platon sang Bag-ong Hangaway sang Banwa-Fortunato Camus Command sa nakatundang Cagayan sining Pebrero 1 ang mga tropa sang 17th IB kag upod sini nga CAGFU. Apat ka suldado kag isa ka elemento sang CAGFU ang napatay samtang napilasan ang tatlo pa ka suldado.

Nagapatrulya ang mga elemento sang Bravo Company sa sityo Escolta, Barangay Dungan, Rizal sang ambuson sila banda alas-6 sang kaagahon. Nagtabang ang duha ka helikopter sang Philippine Air force pero wala na sini naabtan ang mga Pulang hangaway.

Catanduanes. Ginsalakay sang isa ka platon sang BHB ang talaguan kag ginkumpiska ang mataas nga kalibreng baril ni Meyor Armando T. Guerrero sang Gigmoto sadtong Enero 20. Napilasan sa reyde ang alkalde.

Suno kay Theresa Magtanggol, tagapamaba sang Eduardo Banaag Command-BHB sang Catanduanes, wala sang plano nga pilasan ang alkalde. Pero nagtig-a kag nagbato ini ngani napilitan nga luthangon siya sang BHB agud manyutralisa.

Daan nga pulis si Meyor Guerrero kag panabon sa pagka-"warlord" niya amo ang iya *security agency*. Ginagamit niya ini nga pamahog indi lang sa iya mga karibal sa pulitika kundi, labaw sa tanan, sa pumuluyo. Protektor man siya sang mga sindikato sa iligal nga droga sa Catanduanes. AB

Kalakip sa mga nagpadala sang mensahe ang masunod:

Partido de la Liberacion (PL) de Argentina • Partido Comunista Revolucionario de la Argentina • Kommunistische Aktion-Marxistisch-Leninistisch (Austria) • Socialist Party of Bangladesh • Workers Party of Bangladesh • Workers' Party of Belgium • Communist Party of Great Britain • New Communist Party of Britain • Communist Party of Brazil-Red Faction • Communist Party of Brazil (PcdoB) • Workers' Communist Party of Denmark (APK) • Workers' Communist Party of France • Marxist-Leninist Party of Germany-MLPD • Workers' League for the Restoration of the Communist Party of Germany • Communist Party of India (Marxist-Leninist) New Democracy • Communist Party of India (Marxist-Leninist) Liberation • Communist Party of India (Marxist-Leninist) People's War • International Leninist Current (ILC) • Organisation of Iranian People Fadaei Guerrillas • The Irish Republican Socialist Party • Partito Comunista Maoista (Italy) • Communist Party of Japan (Left) • Japan Communist League (JCL) • Anti-Imperialist Revolutionary Forum (Nepal) • Communist Party of Nepal (UML) • GML/Rode Morgen (Netherlands) • New Communist Party of the Netherlands • Anti-Capitalist Alliance (New Zealand) • Workers' Party of New Zealand • Communist Party Marxist Leninist (Revolutionaries) • Communist Party of Turkey • Partido Comunista Revolucionario del Uruguay kag iban pa....

Padayon nga nagaindakal ang disgusto sa sulod sang AFP

Isa naman ka grupo sang mga upisyal sang reaksyunaryong hangaway ang nagtuhaw kag naghayag sa publiko sang ila mabaskog nga pagpakamalaut sa mga matag-as nga upisyal kag nagaluntad nga pagsulundan sa Armed Forces of the Philippines (AFP) kag gubyrerno.

Naghayag ang "Kawal-Pilipino" sadtong Enero 26 sa isa ka *media conference* kon sa diin ginpahayag nila ang ila mabaskog nga disgusto. Ginkundenar nila ang pagpagamit sang mersenaryong AFP sa mga reaksyunaryong pulitiko kag pagkatunga-tunga sini bangud sa pagserbi sa mga magkaribal nga pangpulitika nga paksyon sang mga nagaharing sahi.

Ginbulgar nila sa partikular ang lapnagon nga paggamit ni Gloria Arroyo sa mga pwersa kag resorsa sang AFP para sa iya kampanya elektoral kag para bantayan kag ipiton ang hulag sang iya mga karibal sa pulitika. Kaangot sini, ginde-manda nila ang paghalin ni Defense Secretary Eduardo Ermita, nga ginhimo Chief Campaign Officer para sa kandidatura ni Arroyo.

Ang pagguwa sang "Kawal-Pilipino" amo ang labing ulihi lamang sa serye sang mga hayag kag indi hayag, armado kag di armado nga pagpahayag sang pagpamatuk sang mga ordinaryong suldado kag manubo nga upisyal sang militar sang sintomas sang madalum kag lapnagon nga pagkadisgusto kag banggi-anay sa sulod sang AFP. Ginapakita lamang sang tanan nga ini ang daku nga kagarukan kag nagakalutos nga dalan sang reaksyunaryo nga AFP kag gubyrerno sa tunga sang desperado kag terminal nga kahimtangan sang ginaalagaran nila nga nagahari nga pulitikal kag sosyo-ekonomiko nga sistema.

Pareho sa mga nagtaliwan nga paghulag sang mga suldado kag manubo nga upisyal sang AFP ang na-

ngin reaksyon sang mas mataas nga mga upisyal sang AFP kag gubyrerno. Tigaylo nga seryoso nga lantawon ang basehan sang mga protesta, ang solo nga napinsar lamang sang pamunuan sang AFP kag gubyrerno nga himuon amo ang awtomatiko nga pagpakamalaut, maabtik nga pagtapna, dali-dali nga proseksyun sa mga natumod kag nahulog sa kamot nila, pagpaandam sa iban pa kag pagtuyo nga padayon tiplangon ang kabilugan nga mga pwersa militar kag pumuluyo.

Gilayon nga ginpaaresto kag ginkasuhan sang rehimen ang lima ka manubo nga upisyal nga ginsigahum sini mga lider sang Kawal-Pilipino. Nagplastar sila subong sa korte sang kaso nga pagpangbastos kuno sa bandera sang Pilipinas bangud ginsulatan nila ini sang letrang "Kawal." Ginpasakaan man sang kaso sa korte militar ang tatlo sa lima nga gin-aresto nga upisyal sang AFP bangud kuno sa paglapas sa disiplina militar.

Gindalahig man sa kaso sang pagpangbastos ang iban pa nga kaaway sa pulitika sang rehimen nga naangutan kag nagbulig sa Kawal-Pilipino. Isa na diri si Pastor "Boy" Saycon, pangkalibugan nga sekretaryo sang Council for Philippine Affairs kag apat pa na lider oposisyon kag pila ka retirado nga upisyal militar.

Pilit man nga gindalahig sang rehimen sanday Vice President Teofisto Guingona kag Sen. Loren Legarda. Gusto pagguwaon sang AFP kag sang Malakanyang nga ang Kawal-Pilipino ginagamit lamang

sang mga kaaway sini sa pulitika.

Samtang, padayon nga ginakalakal ang mga kaso sang dalagkuan nga korapsyon sa sulod sang AFP. Nareport sining Enero nga nagakita sang masobra P100 milyon kada bulan ang mataas nga upisyal sang Department of National Defense kag AFP halin sa sweldo kag alawans sang 9,000 "murto nga suldado." Nagaabot sa 7,000 nga pangalan ang nakalista bilang regular nga tropa kag 2,000 bilang elemento sang CAFGU ang nabuyagyag nga himu-himo lamang sang DND kag AFP. Luwas pa diri, ginakupit man sang nasambit nga mga upisyal ang pondo sang "Maintenance and Other Operating Expenses" nga nakatalana man para sa mga nasambit nga "multo nga suldado."

Sa atubang sang mga ini, malahalang nga seryosohon kag dugangan sang mga kadre kag pwersa sang Partido, Bag-ong Hangaway sang Banwa kag rebolusyonaryong hublag ang paghulag sa kubay sang reaksyunaryong militar. Tinguhaon mabuyok ang madamu nga may kahandaan kag makapasas sa talaksan nga magbaliskad kag mag-entra sa BHB kag rebolusyonaryong kahublagan. Ang iban mahimo makipagkoordinar sa rebolusyonaryong hublag, mapahulag sa sulod sang reaksyunaryong hangaway ukon mapahalin man lang sa garuk, reaksyunaryo kag pasista nga militar kag mapunggan ang padayon nga pag-entra sa pagpamigos kag pagpang-abuso sang AFP sa pumuluyo.



Internet: Bag-ong patag sang propaganda

Maggamit sang ano nga klase sang kompyuter nga nakaangot sa *internet*¹. Itayp ang www.philippine-revolution.org o prwc.net-firms.com sa *browser*². Sa pila ka gutlo lang, magatunga nga daw laragway sa telebisyon ang pahina nga nagabandera sang panindugan, panan-awan, programa, kultura, kasaysayan kag iban pa nga aspeto sang Partido Komunista sang Pilipinas kag sang rebolusyong Pilipino. Ini ang Philippine Revolution Web Central o PRWC, ang sentral nga *website*³ nahanungod sa rebolusyonaryong paghimakas sa Pilipinas.

Paagi sa *internet*, nagaserbi nga alagyan ang PRWC agud ang propaganda, mga panawagan kag mga hayag nga publikasyon kag dokumento sang Partido, Bag-ong Hangaway sang Banwa kag iban pa nga rebolusyonaryong organisasyon nga ginapamunuan sang Partido malapad kag madasig nga mapalapnag sa rebolusyonaryong kubay, sa mga abyan, sa bilog nga pungsod kag sa bilog nga kalibutan.

Labi nga igatib-ong kag ginapakilala sang PRWC ang Partido kag rebolusyong Pilipino sa malapad nga kubay sang pumuluyo sa sulod kag guwa sang pungsod. Sa subong, isa na ini ka establisado nga hayag nga alagyan agud madasig nga palapnagon ang rebolusyonaryong panindugan sa mga kaupod, mga utod nga komunista kag rebolusyonaryong partido kag organisasyon, masmidya, abyan kag sin-o man sa sulod kag guwa sang pungsod.

Epektibo nga magamit man



sang nagkalain-lain nga yunit kag mga kaupod sa Partido kag rebolusyonaryong hublag ang *internet* bilang madasig kag episyente nga alagyan sang komunikasyon sang nagakaigo nga pagpat-ud sa seguridad.

Una nga pagtinguha

Nagsugod ang mapagsik nga paggamit sang Partido kag rebolusyonaryong kahublagan sa *internet* sadtong 1997 sang una nga nagguwa ang *website* sang National Democratic Front. Sadtong 1999 naman gintukod ang www.angbayan.org. Halin sadto, ang AB mas madasig nga makuha sang mga bumalasa sa diin man nga bahin sang pungsod kag kalibutan kon sa diin pwede makaangot sa *internet*. Sadtong 2000, ginsundan ini sang Ka Roger Online nga nangin instrumento man sa madasig kag malapad nga pagpalapnag sang mga pahayag ni Gregorio "Ka Roger" Rosal, tagapamaba sang Partido. Sa panahon nga ini, may

pila man ka rebolusyonaryong pahayagan pangmasa sa mga rehiyon nga nakatukod sang ila *website*.

Nadula sa *internet* ang AB, NDF, Ka Roger Online kag iban pa nga *website* nga ginadumalahan sang nagkalain-lain nga yunit sang Partido sa mahaba nga panahon umpisa pagkatapos sang 2001. Ini bangud sa pagpang-ipit kag unilateral nga pagsara sang US sa mga *server* nga ginagamit sang mga *website* naton nga ginaangot sa terorismo.

Ginhatagan rason ang pagsara sa mga ini sang US Patritotic Act, isa ka mapiguson nga layi nga ginhimo bilang reaksiyon sa mga atake sa US sadtong Septyembre 11, 2001. Katung-anan na sang 2002 liwat natukod ang upisyal nga *website* sang Partido kag rebolusyong Pilipino. Nagbulig ang isa ka grupo sang mga Maoista nga nakabase sa US nga magtanyag sang ila *server*.

Ginpangalanan ini nga Philippi-

ne Revolution Web Central sadtong Hulyo 2002 kag halin sadto nagserbina na nga sentral nga *website* sang Partido kag rebolusyong Pilipino.

Tilipunan sang rebolusyonaryong dokumento

Ang PRWC nagaserbi nga tilipunan sang mga makasaysayan kag malahalón nga rebolusyonaryong dokumento. Halimbawa, makit-an sa seksyon sini nga "CPP Documents" ang Konstitusyon sang Partido kag Programa para sa Demokratikong Rebolusyon sang Banwa. Sa seksyon nga "NPA" naman ang kasaysayan kag mga basehan nga pagsulundan sang Bag-ong Hangaway sang Banwa.

Samtang, ang mga seksyon nga "Ang Bayan" (kon sa diin makuha ang mga daan kag pinakabag-o nga isyu sang *AB*), "Public Information", NDF kag "Ka Roger Online" makuhaan sang mga pinakalabas nga balita, impormasyon, pahayag kag pagpaathag bahin sa mga tampok nga isyu pungsodnon kag internasyunal. Sa "Publications," tampok ang mga pungsodnon, pang-organisasyon kag pangrehiyon nga rebolusyonaryong publikasyon. Ginapresentar man ang mga binalaybay, drama, kanta, sanaysay, malip-ot nga sugilanon, drowing, komiks, poster kag nagkalain-lain nga kultural nga sinulatan sa seksyong "Kultura." Sa "Gallery of Heroes and Martyrs," ginapasidungan ang pagkabaganihan sang mga kaupod nga naghalad sang kabuhi sa pumuluyo.

Halin sa PRWC, mahimo magtabuk pakadto sa bag-o nga tukod nga *website* sang National De-

Fortunato Camus Online


Pinakabag-o nga gindugang sa rebolusyonaryo nga pahina sa internet ang Fortunato Camus Online (<http://www.fortunatocamus.tk>), ang upisyal nga *website* sang partido Komunista sang Pilipinas-Northeastern Luzon (PKP-NEL).

Tampok sa website ang mga pahayag, sitwasyon sang rehiyon kag mga prubinsya sa NEL kag listahan sang mga martir sang rebolusyon sa rehiyon. Mabasa diri ang mga labing ulihi nga isyu sang Baringkuas, ang rebolusyonaryong pahayagan sa NEL, mga labing labas nga pahayag sang mga organo sang Partido kag kumand sang BHB sa mga mainit nga isyu sa lokal kag nasyunal, amo man ang listahan kag pagpasidungog sa mga kaupod nga naglahad sang kabuhi para sa rebolusyon. May isa ka seksyon man para sa mga litrato sang mga paghulag sang mga kaupod.

AB

mocratic Front (<http://ndf.wanadoo.nl>). Sa amo man, mahimo makita ang dalan pakadto sa Fortunato Camus Online, *website* sang rehiyunal nga organisasyon sang Partido sa North-eastern Luzon, Rebolusyon (teoretikal nga organo sang PKP), Kabataang Makabayan kag Filipino Artists for National Democracy.

Ginapakita sang dinamismo sang PRWC ang mapagsik nga hikuton propaganda sang bilog nga Partido kag rebolusyonaryong kahublagan. Ang mga kaundan sini amot sang mga kaupod halin nagkalain-lain nga bahin sang organisasyon sang Partido kag rebolusyonaryong kahublagan.



Pagdumala

Ang PRWC bug-os panahon nga ginadumalahan sang isa ka komite sang Partido. Matuod nga wala pormal nga paghanas, kolektibo kag padayon nga ginatun-an sang mga kaupod diri ang nagkalain-lain nga kinaalam sa kompyuter kag *internet* agud epektibo mapadalagan kag matib-ong ang *website*.

Nagpakasanyog sila sa mga kinaalam teknikal kag paggamit sang mga kinahanglanon nga programa sa kompyuter. Nagagamit sila lunsay sang Windows at Linux *operating system* kon sa diin nagadalagan ang Apache *web server*. Nagtuon man sila sang lengwaheng Perl kag Javascript para sa kinahanglanon nga pagprograma sang kompyuter. Ginagamit man nila ang nagkalain-lain nga *software* pareho sang Dreamweaver para sa bukas sang mga pahina.

Sa paagi sang regular kag napanahon nga pagpagguwa sang PRWC kag sang iban pa nga mga pagtinguha nga gamiton ang *internet*, wala nagakaulihi ang Partido kag rebolusyonaryong kahublagan sa paggamit sang relatibo bag-o nga midyum kag mga bag-o nga teknolohiya para sa Partido kag rebolusyon. Ginasalaming sini ang dinamismo sang Partido kag rebolusyonaryong kahublagan nga ginapamunuan sini.


AB

1 Isa ka pangkalibutanon nga lambat nga nagataud-taud sa mga kompyuter nga nagapadasig sa pagpasa sang datos kag mga impormasyon.

2 Isa ka programa sa kompyuter nga ginagamit para sa pagbasa sang mga *webpages* sa *internet*. Halimbawa sini ang *Internet Explorer* kag *Netscape Navigator*.

3 Tinipon nga magkaangot nga pahina nga ginadumalahan sang isa ka indibidwal o organisasyon.

Rehimeng Bush, indi makabalibad nga wala WMD sa Iraq



Sa labing una nga tion, napilitan ang rehimeng Bush sining Enero 30 nga akuon nga wala ini sang kon ano nga ebidensya nga may ara naka-istak nga *weapons of mass destruction* (WMD) ang Iraq bag-o ini atakehon sang US sadting Marso 2003. Tuso nga gintapalan sang US ang kabutigan bahin sa kuno may pamahog nga WMD sang Iraq sa kalinungan sang kalibutan.

Antes sini, nagbiya sadtong Enero 24 si David Kay, puno nga konsultant sang Iraq Survey Group (ISG), isa ka 1, 200 katawo nga grupo nga gintukod sang gubyr-nong Bush sa ngalan sang "Coalition of the Willing" sadtong Hulyo para piliton tanan nga makadisku-bre gihapon sang ano man nga ebidensya nga may daku nga bolyum sang mga WMD sa Iraq. Gintukod ang ISG pagkatapos ipirmi sang UN Weapons Inspection Team kag sang madamu pa nga iba nga wala sang signipikante nga patimaan sang WMD sa Iraq.

Bag-o siya himuon nga Chief Consultant sang ISG, si Kay nangin Vice President sang Science Applications International Corporation (SAIC), isa ka pribado nga korporasyon nga imbolbado sa mga "kontra-terorista" nga gera sang US sa iban nga pungsod. May \$650 milyon nga kontrata ini sa pagserbisyo kag pagsuporta sa US Army sa Iraq kag may mga kontrata man sa paghimo sang mga kagamitan sang US nga tipo-WMD, pareho sang *mobile biological vans*.

Suno kay Kay, ang solo nakita nila sa Iraq amo ang mga salin sang

mga daan nga WMD nga hungod gindistrungkar sang Iraq kag indi na liwat mabuhi pagkatapos sang una nga pag-atake sang US didto sadtong 1991. May ara man nga nakita nga ginagmay kag di signipikante nga laboratoryo nga mahimo gingamit sadto sa pagpanalawsaw sa *biological weapons* (mga armas nga nagagamit sang mikrobyo para magsabwag sang makamamatay ukon labing makahalalit nga balatian sa kaaway).

Kadungan sini, gin-ako sang isa ka mataas nga upisyal sang US Army kag sang Central Intelligence Agency nga antes ang pagsalakay sang US sa Iraq, madugay na nila nahibal-an nga wala man sang madamuan nga WMD didto. Ginbulgar man ni Paul O'Neill, anay Secretary of Treasury ni Bush, nga ang plano nga pagsalakay sa Iraq ginhuman sang rehimeng Bush antes pa man ang mga atake sa US sadtong Septyembre 11, 2001. Siling niya, wala sano man ginhambalan ang angot sa mga WMD. Si O'Neill, nga anay suod nga abyan sang pamilya Bush, isa na subong sa pangunahon nga nagabuyagyag sa baho, kanabawon sang pagpaminsar kag hayagan nga

pagbinutig sang rehimeng Bush.

Nahayag sa mga hitabo nga ini ang pagkapaltik sang doktrina nga Bush nga "preemptive strike" batuk sa mga pungsod nga gusto paggu-waon sang imperyalismong US nga pamahog sa pungsodnon nga seguridad sang US.

Ginpatingkad sang mga halambalanon nga ini ang wala kutod nga agresyon sang imperyalismong US sa idalum sang neokonserbatibong (napunta nga tuo) pagpamuno bni Bush. Himuon niya ang tanan kag maghimo siya sang pinakabaraghal kag pinakatuso nga kabutigan agud hatagan-rason ang mga mapanalakay, daluk kag mapiguson nga pagpalapnag kag pagtukod sa *superpower* nga kagamhanan sini.

Samtang, wala untat ang mga pagpamatuk kag pagbato sang Iraq kag Afghanistan. Sa paagi man sang "pasipikasyon" militar, pagtukod sang papet nga gubyrno kag hangawat, pangpulitika nga pagpaniplang ukon nagkalain-lain nga porma sang pagpanuhol, lakip na ang pangpangako sang soberanya nga ginalibod sang US, indi magbahar ang pagbato sang pumuluyo sa mga mananakop.

AB


Trimedia conference, ginhiwat sa Mindanao

GINPASIDUNGGAN sang National Democratic Front-Mindanao (NDF-Mindanao) ang midya sa pahayagan, radyo kag telebisyon sa isa ka pangpubliko nga pagtilipon nga ginhiwat sa isa ka prenteng gerilya sadtong Enero 6. Nagtambong ang masobra 50 katapu sang midya kag pila ka pulitiko.

Sa aga ginlunsar ang programa kon sa diin nagsaludar si Jorge "Ka Oris" Madlos, tagapamaba sang NDF-Mindanao, sa malahalón nga papel nga ginatungdan sang midya sa katilingban. Ginpangunahan sang Red Limang Platoon ang mga presentasyon pangkultural sa programa.

Isa ka konsultasyon ang ginhiwat sang hapon sa tunga sang mga rebolusyonaryong pwersa sa isla kag mga imbitado nga tagamidya kag publiko. Nagatigang ang pagsugilanon sa hingyo sang mga pulitiko nga palawigon ang gintalana nga untat-lupok sang NDFP. Pero ginbalibaran ini sang NDFP-Mindanao base sa pagbalibad sang pungsodnon nga liderato sang NDFP.

Sa hapon man nga ini, naglunsar sang *media conference* kon sa diin gintalakay ni Ka Oris ang mga halambalanon nga ginaatubang subong sang rebolusyonaryong kahublagan.



Masobra 2,000 katawo ang nagtipon para sa aktibidad, lakip ang masa sa sonang gerilya nga ginhiwatan sini. Isa ka kumpanya sang BHB ang nagpasakup mismo sa aktibidad samtang isa pa ang nagserbi nga pwersa pangseguridad. Ginsiguro man sang NDFP ang maayo nga pakipag-angot sang midya sa ila mga upisina, lakip diri ang pagtalana sang mga *cellphone* para sa ila gamit.

Sa adlaw man nga ina, ginhiwat ang tingub nga *media conference* nanday Gregorio "Ka Roger" Rosal, pungsodnon nga tagapamaba sang PKP kag Simon "Ka Filiw" Naogsan, tagapamaba sang CPDF, sa isa ka prenteng gerilya sa Mt. Province.

Mga mamumugon sa RFM, nagwelga

NAGWELGA sining karon lang ang masobra 200 mamumugon sang Republic Flour Mills (RFM) pagkatapos mapaslawan ang negosasyon sa tunga sang maneydsment kag unyon para sa katapusan nga duha ka tuig sang ila Collective Bargaining Agreement (CBA).

Nagbalibad maghatag sang matarung nga tanyag ang RFM. Tubtub P12 lang ang gusto sini idugang sa sweldo sa sulod sang duha ka tuig samtang sa ulihi nga CBA naghatag ini sang P72 nga dugang sa sweldo.

Ginpakamalaut sang mga mamu-

mugon ang kabutigan sang RFM nga indi sini masarang maghatag sang dugang nga sweldo bangud lugi kuno ang kumpanya. Sa kamatuoran, ang RFM na ang pangaduha nga pinakadaku nga grupo sang kumpanya sang mga produktong pagkaon kag ilimnon sa pungsod nga nagkita sang P10 bilyon sadtong 2001. Lakip sa mga produkto sang RFM amo ang White King (mga produkto nga nakabase sa arina), Selecta (*ice cream*), Swift (mga produktong karne), Little Ceasar's (*pizza*), Sunkist (*juice*) kag Selecta Moo (gatas).

Piso, liwat nagtibusok

LIWAT naman nga nagtibusok sa pinakamanubo nga lebel ang piso. Nagsara sining Pebrero 3 ang bayluhanay sang piso sa P56.20 batuk sa dolyar. Ginbasol sang mga ekonomista ang pagtibusok sa mga pamahog nga kudeta kag iban pa nga halambalanon elektoral, samtang sintomas lamang ini sang mahuyang kag naputos sa krisis nga ekonomya. Ginatan-tya nga maabot ang bayluhanay pakadto sa P60=\$1 antes matapos ang tuig 2004.

Sa atubang sini, nagpaandam ang Standard Chartered Bank (SCB), isa sa mga dumuluong nga bangko sa pungsod, nga posible makadto ang Pilipinas sa pinansyal nga krisis pareho sang gin-agan sang Argentina sadtong 2001.

Ang madamuan nga pagpalagyo sadto sang mga dumuluong nga kapitalista sa Argentina dala ang ila kapital ang nagtuga sang kakulangan sang suplay sang dolyar, pagkaputo sang madamu nga negosyo kag pagsara sang mga bangko.

Gintumod sang SCB ang pagtibusok sang makolekta nga buhis sang 15% sadtong 2003 kag ang wala-tuo nga pagpangutang sang rehimen agud pun-an ang higante nga depisit sa badyet. Ginatantya sini nga masobra 50% sang kabilugan nga badyet ginakuha sa pagpangutang. Sadtong nagtaliwan nga tuig, nag-abot sa P199.86 bilyon ang depisit sang gubyrno.

Mangin ang Bangko Sentral ng Pilipinas nagakumporme sa pagtasa sang SCB sa pinansyal nga kahimtangan sang pungsod.

Paghimakas batuk sa imperyalistang gera, ginpalig-on sa Bombay India

LABI pa nga ginpalig-on sang mga aktibista ang paghimakas batuk sa imperyalistang gera kag militarismo sa kalibutan sa pagtapos sang lima ka adlaw nga World Social Forum (WSF) sa Mumbai, syudad sang Bombay sa nakatundang India sadtong Enero 21.

Ginsuguran ang anti-globalisasyon nga miting sadtong Enero 16 kon sa diin nagtipon ang may 100,000 delegado halin sa nagkalain-lain nga pungsod. Pagkatapos maghatag sang adlaw sa pagpresen-

tar sang kag diskusyon sa kahimtanngan sang pangkalibutanon nga negosyo sang US, mga higante nga negosyo kag utang sa luwas, umpisa Enero 18 gintalakay sa WSF ang bahin sa kahublagan batuk sa imperyalistang gera kag militarismo. Partikular nga gintutukan nila ang mga gera nga ginapamunuan sang gubyernong US. Ginkoordina kag gin-alalangot sang WSF ang mga kahublagan sa kada pumuluyo kag pungsod batuk sa imperyalistang gera kag para sa kalinungan.

Rebolusyonaryong gubyrno, gintukod sa Nabagatnang Nepal

GINTUKOD sining karon lang sang pumuluyo nga Magar ang isa ka rebolusyonaryong gubyrno sa nabagatnang Nepal sa idalum sang pagpamuno sang Partido Komunista sang Nepal (Maoista). Suno sa ila upisyal nga *website*, Krishnasen Sambad Samiti, masobra 75,000 katawo ang nagtambong sa seremonya sang pagkatukod sa Thawang, isa ka baryo sa distrito sang Rolpha. Sa amo nga adlaw, napuno sang mga pula nga bandera ang kabukiran sang Rolpha.

Antes sini, ang mga tiglawas

halin sa nagkalain-lain nga lugar sang rehiyon naglunsar sang isa ka kumbensyon sa baryo sang Thawang. Sa baryo nga ini gin-umpisahan sadtong 1996 ang inaway banwa kag siya subong nagatindog nga sentro de grabidad sang Maoista nga rebolusyonaryong kahublagan sa Nepal.

Madinalag-on nga napangibabawan sang pumuluyo ang mabaskog nga kalakasan militar sang gubyernong Nepali kag malig-on nga ginasulong ang rebolusyonaryong paghimakas sa Nepal.

50,000 Nagwelga sa mga pabrika sang metal sa Germany

DUHA ka adlaw nga nag-untat ang produksyon sang metal sa anum ka estado sang Germany sang magwelga ang masobra 50,000 mamumugon diri. Ginapamilit nila nga pataason ang ila sweldo sang 4%. Ginapamatukan man nila ang plano sang mga kapitalista nga palabaon ang oras sang pagtrabaho nga wala sang kabaylo nga pagtaas sang sweldo.

Ginpamunuan sang unyon nga IG Metall ang welga nga nagsugod umpisa Enero 29 sa nabagatnang

nakatundan Baden-Wuerttemberg kon sa diin may 32,000 mamumugon ang naghulag. Nagsunod ang iban pa nga trabahador sa lima ka estado sang Germany.


Tubtub Pebrero 1 apektado gihapon ang produksyon sang duha ka kumpanya nga nagaobra sang mga kotse nga Daimler-Chrysler at Audi, ang ZF nga tagasuplay sang mga parte sang kotse, ang kumpanyang Bosch kag isa ka yunit pangenerhiya sang kumpanya nga Siemens.

Handaan kag pasanyugon ang propaganda para sa ika-35 anibersaryo sang BHB

PARA sa pagsaulog sang nagahilapit nga ika-35 anibersaryo sang Bag-ong Hangaway sang Banwa kag paghanda para diri, ginapanawagan sa tanan nga yunit sang Partido, BHB kag rebolusyonaryo nga organisasyong masa ang pagpasanyog sang aton propaganda sa pagpresentar sang BHB bilang tunay nga hangaway sang banwa.

Maglunsar kita sang nagkalain-lain nga aktibidad kag proyekto para palapnagon ang tema nga "BHB: Matuod nga Hangaway sang Banwa." Tum-ukan naton ang paglaway sang mga hilikuton sang BHB nga nagapakita kon pano ini ginabatiti kag ginasuportahan sang masa. Ipa-kita man nga ang mga kadalang-an nga naangkon sang pumuluyo paagi sa ila organisado nga pagtinguha kag pagpataas sang rebolusyonaryong kamuklatan.

Gamiton naton ang nagkalain-lain nga pamaagi kag porma sang propaganda, lakip na ang mga paagi kag porma nga malaparan mapalpnag kag makaabot, pareho halimbawa sang mga pahayag nga ginapalpnag sa radyo kag dyaryo, mga polyeto, mga poster, mga libro, mga bidyo dokumentaryo kag iban pa. Subong pa lang nagapanawagan na para diri agud mahandaan na ang mga kinahanglanon nga materyales kag kasangkapan.

**ANG****Bayan**

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Edisyong Hiligaynon

Tuig XXXV No. 3

Pebrero 7, 2004

www.philippinerevolution.org

Editorial

Militarisasyon sa Mindoro, militante nga ginbatuan

Isa ka mabaskog nga operasyon militar ang ginalunsar subong sang Armed Forces of the Philippines sa Paluan, isa ka gamay nga banwa sa Occidental Mindoro. Sa pihak sang nagapalapit nga pagbukas liwat sang pormal nga sugilanon pangkalinungan, ginapaluntad subong sang rehimeng Arroyo kag sang AFP ang layi militar sa nasambit nga lugar.

Mataas nga militansya ang ginpakita sang pumuluyo sa atubang sang mabaskog nga terorismo sang AFP sa Occidental Mindoro. Bug-os kaisog nila ginpanindugan ang ila mga tawhanon nga kinamatarung, ginpamatuken ang pagpang-ipit sang AFP kag ginhimo ang tanan nga paagi agud ibuyagyag ang nagakatabo nga kalakasan militar didto.

Sa atubang sang mga pagpamahog, pagpugong kag pamasista militar, hugot ang pagpursiger sang KARAPATAN-Southern Tagalog agud mabuligan ang tagabaryo; kag maimbestigahan, mabuyagyag kag mapahagan-hagan ang mga pagpang-abuso kag pagpamintas sa ila sang mga militar.

Hugot nga nakig-angtanay kag mainit nga nag-abi-abi ang mga Mangyan didto sa KARAPATAN-Southern Tagalog agud ibuyagyag ang kamatuoran bahin sa mga pagpang-abuso militar kag makipagkoordinar para makapalagyo halin sa pagkahunong sa ila impyerno nga ginhimo sang mga militar sa ila mga komunidad.

Pasaylu-saylo ang mga Mangyan sa nagkalain-lain nga ginabakwitan bangud wala sila ginahalinan sang mga militar. Ginbaktas nila ang mas mabudlay, mas mahaba kag mas marikot nga mga dalan bangud sa pagpamahog kag pag-abang sang mga militar. Pag-abot sa poblasyon sang Paluan, sa bulig sang KARA-



PATAN-ST nagsilong sila sa simbahan Katoliko. Pero wala gihapon sila gin-untatan kag pilit gihapon nga nagasulod ang militar agud kuhaon ang mga bakwit agud interrogahon, pahugon kag gamiton nga giya sa mga operasyong militar sang AFP.

Pero malig-on sila nga nagbato kag nagbalibad. Sa kapaslwan nga tamayon ang mga bakwit kag sobra nga kahuy-anan, nagpagguwa ang militar sang tiko nga istorya sa midya nga "ginadetenang sang mga komunista ang mga Mangyan."

Salaming lamang ang Paluan sang mabaskog nga brutalidad kag pagpaniplang nga kabahin sang kontra-rebolusyonaryong gera ng

***Mga tampok
sa isyu nga ini...***

Mga panamyaw sa ika-35 anibersaryo sg Partido
PAHINA 3

Internet: Bag-ong patag sg propaganda
PAHINA 6

Bush, wala sg makit-an WMD sa Iraq
PAHINA 8